

Informasaun atu uza hamutuk livru *Moris Kristaun no Haklaken*

1-7 MARSU

RIKUSOIN HUSI BÍBLIA | NÚMEROS 7-8

“Lisaun kona-ba Jeová organiza no hanoin ninia povu”

it-1-E p. 497 par. 3

Kongregasaun

Iha Izraél, sempre iha mane sira ne'ebé re-prezenta povu ne'e. (Ezr 10:14) Tan ne'e 'xefe ba suku sira' mak fó prezente bainhira serbisu atu harii tenda santu remata. (Núm 7:1-11) No mós, iha Neemias nia tempu, amlulik, ema Levi sira, no “povu nia ulun-na'in sira” halo vale “akordu ne'ebé metin” liuhusi selus. (Ne 9:38–10:27) Bainhira ema Izraél la'o iha rai-fuik, iha “xefe ba povu, ne'ebé hili husi kongregasaun nia leet, no sira mak ema naran-boot,” hamutuk na'in-250 ne'ebé apoia Kora, Datan, Abiram, no On hodi kontra Moisés no Arão. (Núm 16:1-3) Hodi halo tuir Maromak nia hakarak, Moisés hili mane na'in-70 husi Izraél nia katuas sira, ne'ebé mak ulun-na'in atu ajuda nia lori povu ne'e nia todan, atu nune'e, Moisés la lori todan ne'e mesak de'it. (Núm 11:16, 17, 24, 25) Levítico 4:15 ko'alia kona-ba “povu nia katuas sira”. Povu sira-nia representante mak katuas sira, ulun-na'in, juís, no xefe sira.—Núm 1:4, 16; Jos 23:2; 24:1.

it-2-E p. 796 par. 1

Ruben

Suku Ruben harii sira-nia tenda iha parte súl husi tenda santu, no suku Simeão no Gad mak iha sorin-sorin. Bainhira ema Izraél muda, suku Judá, Issacar no Zebulão mak la'o iha oin, tuirmai mak suku Ruben,

Simeão no Gad la'o tuir, no suku Ruben mak la'o iha oin. (Núm 2:10-16; 10:14-20) Sira mós tuir prosesu ne'e bainhira suku sira fó prezente iha loron ne'ebé inaugura tenda santu.—Núm 7:1, 2, 10-47.

w04-E 8/1 p. 25 par. 1

Pontu importante husi livru Números

8:25, 26. Tanba Maromak hanoin sira ne'ebé idade ona, ema Levi sira ne'ebé katuas ona tenke para husi serbisu obrigatóriu. Maski nune'e, sira nafatin bele ajuda ema Levi seluk, se sira hakarak. Ohin loron ita nunka para husi ita-nia serbisu nu'udar haklaken-na'in ba Maromak nia Ukun, mai-bé prinsípiu husi mandamentu ne'e hanorin ita buat importante ida. Se ema Kristaun ida labele kumpre ninia responsabilidade ruma tanba idade ona, nia bele hola parte iha serbisu seluk tuir ninia kbiit.

Ke'e no hetan buat murak husi Bíblia

it-1-E p. 835

Oan primeiru

Ema Izraél nia oan-mane primeiru mak sei sai ulun iha umakain ida-idak, tan ne'e sira representa nasaun Izraél tomak. Tuir loloos, Jeová ko'alia kona-ba nasaun Izraél nu'udar ninia “oan primeiru”, tanba Izraél mak nasaun primeiru ne'ebé Jeová nian liuhusi aliansa ne'ebé Jeová halo ho Abraão. (Éx 4:22) Tanba Jeová la oho ema Izraél nia oan-mane primeiru bainhira sira sei iha Ejitu, Jeová dehan katak ema Izraél nia “oan-mane primeiru, no mós animál aman ne'ebé moris primeiru”, sei sai santu ba Jeová. (Éx 13:2) Tan ne'e, oan-mane primeiru fó ba Jeová.

8-14 MARSU

RIKUSOIN HUSI BÍBLIA | NÚMEROS 9-10

“Oinsá Jeová diriye ninia povu”

it-1-E p. 398 par. 3

Povu nia hela-fatin

Iha Números kapítulu 33, temi maizume-nus fatin 40 ne'ebé ema Izraél hela bainhira sira la'o iha rai-fuik. Bainhira sira muda husi fatin ida ba fatin seluk, sira halo ida-ne'e iha dalan ne'ebé organiza tebes. Se Jeová nia kalohan para iha tenda santu nia leten, ema Izraél mós hela iha ne'ebá. Maibé bainhira kalohan ne'e hi'it sa'e no muda, sira mós muda. “Ema Izraél hela hodi tuir Jeová nia orden, no sira muda husi fatin ne'e hodi tuir Jeová nia orden.” (Núm 9: 15-23) Sira uza trombeta rua husi osan-mutin atu fó sai Jeová nia orden sira-ne'e. (Núm 10:2, 5, 6) Se sira rona trombeta nia lian ne'ebé tun-sa'e, ne'e katak sira tenke sobu tenda no muda kedas. Dala primeiru ida-ne'e akontese mak iha “loron 20 fulan-segundu tinan segundu [1512 Antes Era Comum]”. Ema Izraél la'o ho arka aliansa iha sira-nia oin. Grupu primeiru atu sai mak suku Judá, depois Issacar no Zebulão. Judá mak la'o iha oin. Ema Gerson no ema Merari mak tuir sira, hodi lori parte oioin husi tenda santu. Grupu segundu mak suku Ruben, Simeão no Gad. Ruben mak la'o iha oin. Tuir sira mak ema Kohat ne'ebé lori sasán sira husi fatin sagradu. Grupu terseiru mak Efraim, Manasés no Benjamim. Efraim mak la'o iha oin. Grupu ikus mak Dan, Aser no Naftali. Dan mak la'o iha oin. Ho arranju ne'e, grupu sira ne'ebé boot liu no forte liu mak la'o iha ema Izraél nia oin no kotuk. —Núm 10:11-28.

w11 15/4 p. 4-5

Ita haree oinsá Maromak hatudu dalan mai ita ka lae?

Oinsá mak ita bele hatudu katak ita hafolin Maromak nia matadalan? Apóstolu Paulo dehan: “Rona imi-nia na'i-ulun sira no halo tuir buat ne'ebé sira dehan ba imi.” (Ebr 13:17) Dala ruma, karik la fasil atu halo ida-ne'e. Porezemplu, hanoin to'ok katak ita mak ema Israel ida ne'ebé moris iha Moisés nia tempu. Depois ita la'o tiha ba tempu balu, koluna ne'e para. Tempu hira mak koluna ne'e sei para iha fatin ne'e? Loron ida? Semana ida? Fulan balu? Karik ita hanoin: ‘Ha'u sei hasai ha'u-nia sasán hotu ka lae?’ Ulukliu, karik ita hasai de'it sasán uitoan ne'ebé ita presiza. Depois loron balu liutiha, tanba sai ulun-moras ona hodi buka sasán balu, ita komesa hasai sasán hotu. Maibé, depois ita foin hasai hotu ita-nia sasán, ita haree katak koluna kalohan nian komesa hi'it sa'e, no ita presiza haloot fali ita-nia sasán hotu! Klaru katak ida-ne'e la'ós buat ne'ebé fasil. Maski nune'e, ema Israel presiza “muda sai kedas depois ne'e”.—Núm 9:17-22.

Entaun, saida mak ita halo kuandu ita simu matadalan husi Maromak? Ita haka'as an atu halo tuir “kedas depois ne'e” ka lae? Ka, ita kontinua halo de'it buat ne'ebé ita toman atu halo? Ita hatene di-di'ak matadalan foun ne'ebé ita simu ka lae? Porezemplu, matadalan kona-ba hala'o estudu Bíblia, haklaken ba ema ne'ebé ko'alía língua ne'ebé la hanesan ho itanian, hola parte beibeik iha adorasaun família nian, serbisu hamutuk ho Grupu ne'ebé Komunika ho Ospital sira, ka matadalan kona-ba oinsá atu hatudu hahalok di'ak iha reuniaun boot sira. Liután ne'e,

ita mós hatudu katak ita hafolin Maromak nia matadalan hodi simu ninia konsellu sira. Kuandu ita halo desizaun ne'ebé importante, ita hakarak buka matadalan husi Maromak Jeová no ninia organizasaun duké fiar de'it ba ita-nia matenek rasik. Hanesan labarik buka protesau nia ninia inan-aman kuandu anin huu maka'as no rai-tarutu, nune'e ita mós buka protesau nia Maromak Jeová nia organizasaun kuandu problema mundu ne'e nian kona ita hanesan anin ne'ebé boot.

Ke'e no hetan buat murak husi Biblia

it-1-E p. 199 par. 3

Halibur hamutuk

Tanbasá importante. Husi selebrasaun Páskua, ita bele haree katak importante tebes atu halibur hamutuk hodi hetan benéfisiu espirituál. Se mane ida ne'ebé ho kondisaun moos hela no la la'o ba fatin dook, maibé la hala'o Páskua tenke hetan kastigu-mate. (Núm 9:9-14) Bainhira Liurai Ezequias bolu ema husi Judá no Izraél mai Jeruzalein atu hala'o Páskua, ninia liamenon mak: "Oh povu Izraél, fila fali ba Jeová . . . Keta sai ulun-toos hanesan iminia bei'ala sira. Haraik an ba Jeová no mai iha ninia fatin sagradu ne'ebé nia halo santu ona ba nafatin no serbí Jeová, imi-nia Maromak, atu nune'e nia bele hatún ninia hirus ne'ebé lakan maka'as hasoru imi. . . . Jeová, imi-nia Maromak mak laran-di'ak no laran-sadi'a, no se imi fila fali ba nia, nia sei la fila kotuk tan ba imi." (2Kr 30:6-9) Se ema lakohi tuir, ne'e hatudu katak sira husik tiha Maromak Jeová. No maski ema Kristaun ohin loron la hala'o festa sira hanesan Páskua, apóstolu Paulo anima sira atu la haluha halibur hamutuk nu'udar Maromak

nia povu. Nia dehan: "Mai ita hanoin malu hodi fó laran-manas ba malu atu hatudu domin no hahalok di'ak, no maski ema balu sai toman ona atu la halibur hamutuk, maibé imi keta haluha atu halibur hamutuk, no fó aten-brani ba malu, liuliu bainhira imi haree loron ne'e besik daudaun ona." —Ebr 10:24, 25.

15-21 MARSU

RIKUSOIN HUSI BÍBLIA | NÚMEROS 11-12

"Tanbasá labele hatudu hahalok muramura?"

w01-E 6/15 p. 17 par. 20

Labele sai ema ne'ebé rona de'it no haluha

²⁰Loloos, ema Kristaun barak sei nunka monu ba sala seksuál hanesan ema Izraél uluk halo. Maski nune'e, ita presiza kuidadu katak ita la sai toman atu muramura bei-beik no ikusmai halo Maromak la kontente. Apóstolu Paulo hatete: "Ita mós keta koko Jeová hanesan sira balu [ema Izraél] ne'ebé koko nia, no sira mate tanba samea. Keta muramura hanesan sira balu muramura, no sira mate tanba anju ida oho sira." (1Ko 10: 9, 10) Ema Izraél muramura hasoru Moisés no Arão, no mós hasoru Maromak rasik tanba sira muramura kona-ba maná ne'ebé Maromak fó ba sira. (Núm 16:41; 21:5) Saida mak Jeová sente bainhira sira muramura? Biblia dehan katak ema barak ne'ebé muramura mate tanba samea venenu mak tata. (Núm 21:6) Antes ne'e, ema na'in-14.700 ne'ebé muramura mós mate. (Núm 16:49) Tan ne'e, ita labele koko Jeová nia pasiénsia hodi la hatudu agradese ba buat hotu ne'ebé nia fó mai ita.

w06-E 7/15 p. 15 par. 7
‘Labele muramura’

⁷ Ema Izraél nia hahalok troka tebes. Foufoun, sira agradese tebes tanba Maromak halo sira livre husi rai-Ejitu, no bainhira sira hakur Tasi Mean, sira kanta ho hakso-lok ba Jeová. (Éx 15:1-21) Maibé bainhira sira-nia moris komesa susar uitoan iha rai-fuik, no tanba ta’uk ema Kanaan, sira la hatudu tan agradese, maibé muramura. Duké fó agradese ba Jeová tanba sira livre ona, sira duun Maromak tanba tuir sira-nia haree, Maromak la fó buat ne’ebé sira presiza. Sira-nia muramura hatudu katak sira la kontente ho buat ne’ebé Maromak fó ona ba sira. Tan ne’e Maromak dehan: “To’o bainhira tan mak povu laran-aat ne’e sei kontinua muramura hasoru ha’u?”—Núm 14:27; 21:5.

it-2-E p. 719 par. 4
Haksesuk

Muramura. Muramura bele halo ema seluk triste no laran-kraik. Ema Izraél, maski foin mak sai husi Ejitu, sira muramura hasoru Jeová hodi kontra hasoru Moisés no Arão ne’ebé Jeová hili atu dirije sira. (Éx 16: 2, 7) Ikusmai, sira-nia muramura halo Moisés laran-kraik tebes to’o nia husu ba Jeová atu mate de’it. (Núm 11:13-15) Ema ne’ebé gusta muramura bele lori perigu ba ninia an rasik. Jeová haree buat ne’ebé ema ko’alia hasoru Moisés nu’udar kontra hasoru Jeová rasik nia direitu atu dirije sira. (Núm 14:26-30) Ema barak lakon sira-nia moris tanba ida-ne’e.

Ke’e no hetan buat murak husi Bíblia

it-2-E p. 309
Maná

Maná hanesan oinsá? Maná mak “mutin

hanesan kuentru-musan” no haree “hanesan ai-been bedeliu”, ne’ebé ki’ik no kabuar hanesan fatuk pérola. Ninia gostu hanesan “paun belar ne’ebé tau ho bani-been” ka “dose midar kahur ho mina”. Sira halo uut hodi uza fatuk dulas trigu nian ka lesu, depois sira da’an ka tunu hodi halo dose. —Éx 16:23, 31; Núm 11:7, 8.

22-28 MARSU

RIKUSOIN HUSI BÍBLIA | NÚMEROS 13-14

“Oinsá fiar bele halo ita sai aten-brani”

w06-E 10/1 p. 16-17 par. 5-6
Aten-brani liuhusi fiar no hamta’uk Maromak

⁵ Espiaun na’in-rua, Josué no Caleb, laran-manas atu tama rai ne’ebé Maromak promete ba ema Izraél. Kona-ba ema Kanaan sira, Josué no Caleb hatete: “Ita sei halakon sira. Sira-nia protesaun hasai tiha ona husi sira, no Jeová hamutuk ho ita. Keta ta’uk sira.” (Núm 14:9) Josué no Caleb ko’alia nune’e ho razaun ka lae? Sin, klaru! Hanesan nasaun Izraél tomak, sira mós haree oinsá Jeová hamoe ema Ejitu no sira-nia maromak sira liuhusi Susar Sanulu. Sira mós haree bainhira Jeová halo Faraó no ninia tropa sira mout iha Tasi Mean. (Sal 136:15) Tan ne’e, espiaun na’in-10 no sira seluk la iha razaun atu sai ta’uk. Ne’e hakanek tebes Jeová nia laran no nia dehan: “To’o bainhira tan mak sira la tau fiar ba ha’u maski ha’u halo milagre hotu ne’e iha sira-nia leet?”—Núm 14:11.

⁶ Ho liafuan sira-ne’e Jeová hatudu saida mak problema nia hun, ne’e mak sira la iha fiar, tan ne’e mak sira la brani. Sin, fiar no aten-brani iha ligasaun ne’ebé me-

tin. Apóstolu João hakerek kona-ba oinsá kongregasaun Kristaun halo funu espirituál hodi dehan: “Ho ita-nia fiar mak ita manán tiha ona mundu.” (1Jo 5:4) Ohin lora, tanba Testemuña ba Jeová na’in-6.000.000 ne’ebé idade ki’ik to’o boot hatudu fiar hanesan Josué no Caleb, ema iha mundu tomak bele rona liafuan di’ak kona-ba Maromak nia Ukun. La iha inimigu ida mak bele kontra tropa ne’e ne’ebé boot no atenbrani.—Rom 8:31.

Ke’e no hetan buat murak husi Bíblia

it-1-E p. 740

Rai ne’ebé Maromak fó ba povu Izraél

RAI ne’ebé Maromak fó ba povu Izraél mak rai ne’ebé di’ak duni. Bainhira Moisés haruka espiaun sira atu bá hafuhu no lori fali ai-fuan balu husi rai ne’e, sira lori figeira-fuan, romaun-fuan, no uvas ramu ida ne’ebé boot tebes to’o mane na’in-rua mak tenke leba ho ai-lolon ida! Maski sira sente ta’uk tanba la iha fiar, maibé sira mós rekoñese katak “loloos rai ne’e iha susubeen no bani-been barak”.—Núm 13:23, 27.

TREINU KONA-BA HAKLAKEN

w15 15/9 p. 14-16 par. 8-12

“Kaer metin ba imi-nia fiar”

8 Ha’u agora ladún fiar ona ba Maromak nia promessa sira hanesan uluk ka lae? Porezemplu, Maromak promete katak nia sei halakon mundu aat ne’e. Maibé ita husik mundu nia solok atu dada ita-nia atensaun hodi ita ladún fiar ona ba Maromak nia promete ka lae? Se ida-ne’e akontese, karik ita bele la fiar tan katak mundu nia rohan besik ona atu mai. (Hab 2:3) Ezemplu seluk tan, Maromak promete katak nia sei uza Jesus nia sakrifisiu atu fó perdua ba ita-nia sala. Maibé se ita la husik atu hanoin bei-

beik kona-ba ita-nia sala ne’ebé uluk ita halo, ne’e bele halo ita sai laran-rua katak Jeová hamoos duni ona ita-nia sala sira. (Aps 3:19) Se ida-ne’e akontese, ita sei la haksolok tan atu serbí Jeová no la bá hاكلaken tan.

9 Ha’u sei badinas atu serbí Jeová hanesan uluk ka lae? Apóstolu Paulo hatete katak badinas serbisu ba Jeová bele ajuda ita atu ‘kaer metin ba ita-nia esperansa to’o rohan’. Maibé, oinsá se ita komesa hanoin atu halo de’it buat ne’ebé ita rasik gosta, hanesan atu buka serbisu boot hodi hanetik ita-nia tempu atu hala’o ita-nia adorasau ba Jeová? Buat sira-ne’e bele halo ita-nia fiar sai fraku, no maski ita-nia situasaun moris permite ita atu halo buat barak iha Maromak nia serbisu, karik ita sei sai baruk atu halo serbisu sira-ne’e hodi serbí Jeová.—Ebr 6:10-12.

10 Ha’u sente susar atu fó perdua ka lae?

Bainhira ema ida hakanek ita, ne’e bele halo ita hanoin liu kona-ba ita rasik nia sentimentu no karik ita mós hakarak bá atu hirus ema ne’e, ka ita deside katak ita lakohi ko’alia tan ho ema ne’e. Maibé, duké halo hanesan ne’e, di’ak atu fó perdua ba nia, tanba ne’e hatudu katak ita iha fiar ba Jeová. Tanbasá mak ita hatete hanesan ne’e? Tanba bainhira ema ida halo sala hasoru ita, ema ne’e debe buat ida husi ita, ne’e hanesan ho ita-nia sala ne’ebé halo ita debe Maromak Jeová. (Lc 11:4) Tan ne’e mak bainhira ita fó perdua ba ema, ne’e hanesan ita fiar katak Jeová sei fó bensaun ba ita-nia hahalok di’ak ne’e, bensaun ne’e folin boot liu fali atu husu ema ne’e selu ninia tusan ba ita. Atu bele fó perdua ba ema, presiza duni fiar, Jesus nia dixípulu sira mós rekoñese kona-ba ne’e. Tan ne’e mak bainhira Jesus hatete ba sira

atu presiza fó perdua beibeik ba ema, sira husu ba nia: “Halo boot liután ami-nia fiar.” —Lc 17:1-5.

11 Ha’u hirus ba konsellu ne’ebé ha’u simu ka lae? Di’ak ba ita atu haree oinsá mak ita bele aplika konsellu sira duké buka sala husi konsellu sira ka husi ema ne’ebé fó konsellu. (Prv 19:20) Se ita mak buka sala de’it, ita rasik mak sei lakon oportunidade di’ak atu hatene Jeová nia hanoin.

12 Ha’u muramura hasoru irmaun sira ne’ebé tau matan ba kongregasaun ka lae? Bainhira espiaun na’in-sanulu lori fila liafuan ne’ebé negativu, ema Izraél sira hanoin liu kona-ba sira-nia liafuan no hahú hodi muramura ba Moisés no Aarão. Hodi nune’e mak Jeová husu ba Moisés: “Sira atu la fiar ha’u to’o bainhira?” (Núm 14:2-4, 11) Loos duni, tanba Jeová mak hili Moisés ho Aarão, tan ne’e bainhira ema Izraél muramura ba sira, sira hatudu katak sira la fiar Jeová. Hanesan ne’e mós ho ita, se ita sempre muramura ba sira ne’ebé Jeová uza atu tau matan ba ninia povu, tuir loloos ne’e hatudu katak ita-nia fiar komesa sai fraku ona.

29 MARSU–4 ABRÍL

RIKUSOIN HUSI BÍBLIA | NÚMEROS 15-16

“Kuidadu kona-ba gaba an no fiar an demais”

w11 15/9 p. 27 par. 12

Jeová hatene ita nu’udar ninian ka lae?

¹²Maski nune’e, nu’udar nasaun Israel la’o ba rai ne’ebé Maromak promete ona, Coré hanoin katak iha problema ruma kona-ba dalan ne’ebé Jeová lori ninia nasaun. Tan ne’e, Coré hakarak atu halo mudansa

balu, no ema na’in-250 mós tuir nia. Karik sira sente katak sira-nia relasaun ho Jeová sei di’ak hela, tan ne’e sira hatete ba Moisés: “To’o ona, tanba povu ne’e hotu santu no Jeová iha sira-nia leet.” (Núm 16:1-3) Ida-ne’e hatudu katak sira fiar an demais no foti-an. Moisés hatete ba sira: “Jeová sei fó-hatene sé mak ninian.” (**Lee Números 16:5.**) Loron tuirmai, Coré no ema hotu ne’ebé apoia nia mate.—Núm 16:31-35.

w11 15/9 p. 27 par. 11

Jeová hatene ita nu’udar ninian ka lae?

¹¹Agora mai ita ko’alia kona-ba Moisés no Coré, ne’ebé hatudu ezemplu la hanesan. Ita sei haree katak buat ne’ebé Jeová hanoin kona-ba ita depende ba respeitu ne’ebé ita hatudu ba ninia arranju no desizaun. Coré mak ema levita ida husi umakain Coath. Karik nia haree oinsá Jeová salva nasaun Israel hodi lori sira liuhusi Tasi Mean. No iha Foho Sinai, Coré apoia Jeová nia tesi-lia hasoru ema Israel balu ne’ebé la halo tuir Maromak, no nia mós iha knaar atu lori arka aliansa nian. (Êx 32:26-29; Núm 3:30, 31) Ba tinan barak, nia hatudu laran-metin ba Jeová, no tan ne’e ema Israel barak hatudu respeitu ba nia.

Ke’e no hetan buat murak husi Bíblia

w98-E 9/1 p. 20 par. 1-2

Tau uluk buat ne’ebé importante liu!

Jeová haree situasaun ne’e mak sériu. Bíblia hatete: “Jeová dehan ba Moisés: ‘Mane ne’e tenke mate.’” (Núm 15:35) Tanbasá mak Jeová sente hanesan ne’e kona-ba buat ne’ebé mane ne’e halo?

Povu sira iha loron neen atu hili ai no atu tau matan ba sira-nia presiza seluk, hanesan ai-han, hela-fatin no rupa. Loron hitu nian mak atu uza ba sira-nia presiza

espirituál nian. Maski la sala atu hili ai, maibé sala atu halo ida-ne'e iha tempu ne'ebé haketak ona atu adora Jeová. Ohin lora, ema Kristaun la iha Moisés nia Ukun-Fuan okos. Maski nun'e, istória ne'e hanorin ita katak ita tenke tau uluk buat ne'ebé importante liu.—Flp 1:10.

TREINU KONA-BA HAKLAKEN

w15 15/5 p. 15 par. 5-6

Ita bele luta manán hasoru Satanás!

⁵ Sentimentu gaba an bele hamosu hahalok foti-an. Maibé tuir loloos, sentimentu gaba an la sala. Iha disionáriu ida hatete katak gaba an mak sentimentu ne'ebé ita iha tanba ita “sente iha dignidade no respeito, sentimentu ne'e mós halo ita sente orgulhu tanba ita rasik ka ita-nia ema ida halo buat di'ak ka hetan buat di'ak ida”. Apóstolu Paulo mós hatete ba ema Tesalónika dehan katak: “Ami gaba imi ba Maromak nia kongregasaun sira tanba iha terus no susar hotu ne'ebé imi hasoru imi tahan ho fiar.” (2Ts 1:4) Entaun, se ita ka ema ruma halo buat di'ak ruma no ita sente katak ne'e foti ita-nia oin hodi halo ita sente orgulhu uitoan, ne'e la'ós buat aat. Hanesan ita sente di'ak kona-ba ita-nia família mak sé, ita-nia kultura mak hanesan saida, no ita mai husi ne'ebé.—Aps 21:39.

⁶ Maibé se ita la kuidadu, gaba an bele halo ita sai foti-an no estraga ita-nia relasaun ho ema seluk no mós ita-nia relasaun di'ak ho Jeová. Foti-an bele halo ita hakribi konsellu sira ne'ebé ita simu. (Sal 141:5) Ema ne'ebé foti-an sente katak sira mak di'ak liu ema hotu. No Jeová odi tebes hahalok ne'e. (Eze 33:28; Am 6:8) Maibé Satanás gosta tebes atu haree ema haleno ninia hahalok ne'e. Dala ruma Satanás mós sente kontente tebes hodi haree Nimrod, Liurai Ejitu,

ka Absalão hatudu sira-nia foti-an, tanba ne'e hatudu katak sira monu ona ba ninia lasu! (Gên 10:8, 9; Êx 5:1, 2; 2Sa 15:4-6) Kaím mós tanba foti-an mak estraga ninia relasaun ho Jeová. Jeová fó konsellu ba nia atu ajuda nia, maibé tanba ninia foti-an, nia lakohi rona ba Jeová. Ikusmai tanba ninia ulun-toos ne'e halo nia la liga Jeová nia liafuan no halai ba halo sala.—Gên 4:6-8.

5-11 ABRÍL

RIKUSOIN HUSI BÍBLIA | NÚMEROS 17-19

“Ha'u mak . . . ó-nia liman-rohan”

w11 15/9 p. 13 par. 9

Ita simu Jeová nu'udar ita-nia parte ka lae?

⁹ Hanoin to'ok kona-ba ema levita sira ne'ebé la hetan rai nu'udar liman-rohan. Tanba sira-nia serbisu mak atu lori nasaun Israel atu adora Maromak iha dalan ne'ebé loos, sira presiza duni tau fiar ba Jeová katak nia mak sira-nia parte no nia sei tau matan ba sira-nia presiza. (Núm 18:20) Maski ita la halo serbisu iha templu hanesan amlulik no ema levita sira, maibé ita bele halo tuir sira-nia ezemplu hodi fiar katak Jeová sei tau matan ba ita-nia presiza. Nu'udar mundu nia rohan besik ona, ita presiza hametin liután ita-nia fiar ba Maromak nia kbiit atu tau matan ba ita.—Apk 13:17.

w11 15/9 p. 7 par. 4

Jeová mak ha'u-nia parte

⁴ Kuandu Jeová hili ema levita atu halo ninia serbisu, oinsá mak nia sai sira-nia parte? Jeová sai sira-nia parte hodi fó ba sira serbisu ne'ebé espesiál liu duké rai nu'udar liman-rohan. Ne'e mak “serbisu nu'udar amlulik ba Jeová”. (Jos 18:7)

Versíkulu sira ne'ebé hale'u eskritura iha Números 18:20 hatudu katak arranju ne'e la halo ema levita sira sai kiak. **(Lee Números 18:24.)** Tuir arranju ne'e, sira simu "porsentu sanulu hotu iha Israel nu'udar liman-rohan ka kolen ba serbisu ne'ebé sira halo". Ne'e katak sira simu porsentu 10 husi buat hotu ne'ebé povu Israel hetan husi sira-nia to'os no mós husi sira-nia animál. Maibé, ema levita sira mós presiza fó porsentu 10 "ne'ebé di'ak liu" husi buat ne'ebé sira simu hodi apoia amlulik sira-nia serbisu. (Núm 18:25-29) Amlulik sira mós simu "kontribuisaun sagradu hotu" ne'ebé ema Israel fó ba Maromak iha adorasau fatin. Tan ne'e, sira ne'ebé serbí nu'udar amlulik bele fiar duni katak Jeová sei tau matan ba sira-nia presiza.

Ke'e no hetan buat murak husi Bíblia

g02-E 6/8 p. 14 par. 2

Masin mak buat ne'ebé folin-boot

Masin mak representa buat ne'ebé ba nafatin no la troka. Tan ne'e, iha Bíblia, aliansa ne'ebé metin bolu nu'udar "alianza masin nian", no baibain ema han hamutuk, no tau masin ba hahán, atu halo metin sira-nia aliansa ne'e. (Núm 18:19) Iha Moisés nia Ukun-Fuan okos, tenke tau masin ba sakrifisiu sira ne'ebé hasa'e iha altár leten, tanba ne'e representa la dodok no livre husi buat aat.

TREINU KONA-BA HAKLAKEN

w18.01 p. 18 par. 4-6

Tanbasá fó ba Ida ne'ebé iha ona buat hotu?

⁴ Ita fó ba Jeová tanba ita hadomi no hakarak hatudu agradese ba nia. Ita-nia laran sente haksolok duni bainhira ita hanoin kona-ba buat hotu ne'ebé Jeová halo ona ba ita. Liurai David mós sente hanesan ne'e

bainhira nia esplika kona-ba sasán ne'ebé sira presiza atu harii Jeová nia templu. Nia dehan katak buat hotu ne'ebé ita iha mai husi Jeová no buat saida de'it ne'ebé ita fó ba Jeová, tuir loloos Jeová mak fó ba ita. —**Lee 1 Crônicas 29:11-14.**

⁵ Razaun seluk tan ita fó ba Jeová tanba ne'e mak dalan ida atu adora nia. Iha apóstolu João nia vizaun, nia rona Jeová nia kriatura espíritu sira iha lalehan hatete: "Jeová, ami-nia Maromak, Ita-Boot merese simu glória, hahi'i no kbiit, tanba Ita kria ona buat hotu, no tanba Ita-nia hakarak mak buat hotu iha no kria tiha." (Apk 4:11) Jeová merese duni simu glória no hahi'i, tan ne'e ita hakarak fó buat ne'ebé di'ak liu hotu ba nia. Jeová fó mandamentu ba nasau Izraél liuhusi Moisés atu hala'o festa adorasau tinan ida dala tolu. Ema Izraél sira sei lori buat balu ba festa sira-ne'e tanba ne'e mak parte ida ba sira-nia adorasau. Sira la bele "hamriik iha Jeová nia oin ho liman-mamuk". (Deu 16:16) Ohin loron, fó ba Jeová husi laran mak parte importante ida husi ita-nia adorasau. Liuhusi dalan ne'e ita hatudu katak ita hafolin no apoia serbisu ne'ebé hala'o iha Jeová nia organizasaun.

⁶ Di'ak ba ita atu hatudu laran-luak hodi fó, la'ós atu simu de'it. **(Lee Provérbios 29:21.)** Hanoin to'ok oan ne'ebé simu osan husi inan-aman atu rai no nia uza osan balu hodi hola fali presente ba ninia inan-aman. Ninia inan-aman sente oinsá kona-ba ninia presente ne'e? Ka hanoin to'ok pioneiru joven ne'ebé hela ho inan-aman no nia fó osan balu ba sira atu ajuda selu aluga ka hola hahán. Maski ninia inan-aman la husu nia atu halo nune'e, maibé sira simu buat ne'ebé oan ne'e fó. Tanbasá? Tanba ne'e mak dalan ida husi sira-nia oan atu hatudu agradese ba buat

hotu ne'ebé sira halo ba nia. Hanesan ne'e mós, Jeová hatene katak d'ak ba ita se ita fó buat ne'ebé folin-boot ba nia.

12-18 ABRÍL

RIKUSOIN HUSI BÍBLIA | NÚMEROS 20-21

“Nafatin hatudu laran-maus kuandu hasoru situasaun susar”

w19.02 p. 12 par. 19

Haburas hahalok laran-maus no halo Jeová kontente

¹⁹ Ita sei hadook an husi hahalok sala. Hanoin fali kona-ba Moisés. Ba tinan barak nia hatudu hahalok laran-maus no halo kontente Jeová. Maibé, iha tinan 40 nia rohan durante sira-nia viajen iha rai-fuik, Moisés la hatudu hahalok laran-maus. Ninia biin ne'ebé karik ajuda salva ninia moris iha rai-Ejitu, foin mate no hakoi iha Kades. No agora ema Izraél dehan katak sira la hetan ajuda ne'ebé sira presiza. Iha tempu ne'e sira “haksasuk malu ho Moisés” kona-ba la iha bee. Maski sira haree ona milagre barak ne'ebé Jeová halo liuhusi Moisés no mós Moisés hatudu ona nia makulun-na'in ne'ebé la hanoin an de'it, maibé povu muramura. Sira muramura kona-ba la iha bee no mós kona-ba Moisés hodi fó sala ba nia.—Núm 20:1-5, 9-11.

w19.02 p. 13 par. 20-21

Haburas hahalok laran-maus no halo Jeová kontente

²⁰ Moisés sai hirus tebes no lakon ninia hahalok laran-maus. Maski Jeová haruka Moisés atu ko'alia ba fatuk ne'e, maibé nia ko'alia fali ba povu ne'e ho hirus no dehan katak nia sei halo milagre. Tuirmai, nia baku fatuk ne'e ba dala rua no bee barak suli sai.

Moisés halo sala boot tanba nia sai foti an no hirus. (Sal 106:32, 33) Maromak la husik Moisés tama ba Rai Promete tanba nia lakon ninia hahalok laran-maus ba tempu uitoan.—Núm 20:12.

²¹ Ita bele aprende lisaun importante husi akontesimentu ne'e. Primeiru, ita tenke haka'as an beibeik atu mantein ita-nia hahalok laran-maus. Se lae, hahalok foti an bele mosu fali no halo ita ko'alia no hatudu hahalok beik. Segundu, bainhira ita estrese, susar ba ita atu hatudu nafatin hahalok laran-maus, tan ne'e ita tenke haka'as an nafatin, maski ita sente estrese.

w09-E 9/1 p. 19 par. 5

Juís ne'ebé sempre hala'o justisa

Primeiru, Maromak la haruka Moisés atu ko'alia ba povu sira, sá tan tesi-lia katak sira mak ema kontradór. Segundu, Moisés no Arão la fó glória ba Maromak. Maromak dehan: “Imi la . . . fó glória ba ha'u.” (Versikulu 12) Hodi dehan **“ami”** sei fó bee, Moisés ko'alia hanesan nia no Arão mak sei halo milagre hodi fó bee ba povu, la'ós Maromak mak halo ida-ne'e. Terseiru, kastigu ne'e la todan liu tanba ne'e hanesan ho kastigu ne'ebé uluk Maromak fó ba ema ne'ebé sai kontradór. Maromak la husik sira tama ba Kanaan, nune'e mós Moisés no Arão. (Núm 14:22, 23) No ikus, Moisés no Arão mak Izraél nia ulun-na'in sira, no tanba sira iha responsabilidade boot ne'e, sira mak tenke hatán ba Maromak.—Lc 12:48.

Ke'e no hetan buat murak husi Bíblia

w14 15/6 p. 26 par. 12

Ita haree ema ne'ebé “fraku” hanesan Jeová nia haree?

¹² Bainhira Aarão halo sala, Jeová bele fó kastigu kedas ba nia. Maibé Jeová haree

Aarão nia laran no hatene katak nia la'ós ema ne'ebé laran-aat. Ita bele dehan katak Aarão halo sala tanba durante situasaun susar, nia rona tuir de'it ema seluk. Maibé Aarão prontu atu rekoñese ninia sala hodi simu Jeová nia konsellu. (Êx 32:26; Núm 12:11; 20:23-27) Tan ne'e Jeová hili atu haree Aarão nia fiar no fó perdua ba nia. Liutiha tinan barak, Maromak nia Liafuan temi Aarão ho ninia família nu'udar Jeová nia atan ne'ebé di'ak.—Sal 115:10-12; 135:19, 20.

TREINU KONA-BA HAKLAKEN

g 4/15 p. 9

Oinsá atu la sai nervozu lalais

Halo planu. Keta hatete: “Ha'u mak ema hanesan ne'e.” Maibé di'ak liu kontrola ó-nia hirus hodi treinu ó-nia an ba fulan balu, porezemplu ba fulan neen nia laran. Durante tempu ne'e, hakerek diáriu kona-ba ó-nia hahalok. Bainhira ó sai nervozu, hakerek (1) tansá mak ha'u sai hirus, (2) ha'u-nia hahalok mak oinsá, no (3) di'ak liu atu hatudu hahalok saida iha situasaun ne'e no tanbasá. Iha tempu oinmai, koko maka'as atu hatudu hahalok di'ak liután se buat ruma halo ó hirus. Iha diáriu ne'e, di'ak mós hakerek kona-ba tempu ne'ebé ó konsege duni kontrola an! Hakerek to'ok ó sente oinsá kuandu ó bele kontrola hirus.—*Bíblia nia matadalan: Kol 3:8.*

Keta fakar sai ó-nia hirus. Se buat ruma ka ema ruma halo ó hirus, keta lalais atu ko'alia sai liafuan naranaran de'it ne'ebé iha ó-nia laran. Fó tempu ba ó-nia an, no se prezisa, dada iis lai. Joven ida ho tinan 15, naran Erik hatete: “Kuandu ha'u dada iis, ida-ne'e fó tempu ba ha'u atu hanoin uluk

antes fakar sai ha'u-nia hirus, ne'ebé ikus-mai sei halo ha'u arrepende an.”—*Bíblia nia matadalan: Prv 21:23.*

Hanoin mós ema seluk nia situasaun. Dala ruma ita sai hirus tanba ita hanoin de'it ita-nia situasaun rasik. Tan ne'e, koko to'ok atu hanoin mós ema seluk nia situasaun no sentimentu. Joven ida naran Jessica hatete: “Maski ema ruma hatudu hahalok la di'ak duni, maibé baibain ema ne'e mós iha razaun tansá nia hatudu sai hahalok ne'e. Hanoin hanesan ne'e ajuda ha'u bele komprende ema seluk nia situasaun no sai kalma fali.”—*Bíblia nia matadalan: Prv 19:11.*

Hasees an husi situasaun ne'e. Bíblia hatete: “Antes hakesuk-malu komesa, sees tiha husi fatin ne'e.” (Prv 17:14) Dala ruma di'ak liu atu sees de'it husi situasaun ne'ebé halo ó sai hirus. Tuirmai, keta hanoin nafatin kona-ba buat ne'ebé akontese ona hodi halo ó-nia laran sai nakali liután. Di'ak liu halo buat seluk ne'ebé ajuda ó hatún nervozu. Joven ida naran Daniela hatete: “Ba ha'u, halo ezersísio bele ajuda ha'u atu la sai nervozu lalais.”

Aprende atu husik liu de'it situasaun. Bíblia hatete: “Se imi hirus karik, keta halo sala.” (Êf 4:26) Liafuan ne'e hatudu katak dala ruma ita **sente** hirus duni. Maibé importante mak oinsá ita hatudu hahalok iha tempu hanesan ne'e. Joven ida naran Ricardo hatete: “Se ita husik ema provoka ita to'o sai nervozu, ne'e katak sira mak domina ita. Tan ne'e, di'ak liu mak husik liu tiha de'it situasaun ne'ebé ita hasoru, ida-ne'e mak hahalok ema boot nian.” Loos, mai ita kontrola ita-nia hirus, la'ós husik hirus mak kontrola ita.

19-25 ABRÍL

RIKUSOIN HUSI BÍBLIA | NÚMEROS 22-24

“Jeová halo malisan sai fali bensaun”

bt-E p. 53 par. 5

Fó sai liafuan di’ak kona-ba Jesus

⁵ Ohin loron, hanesan iha apóstolu sira-nia tempu, maski ema fó-terus, ne’e labele hapa-ra Maromak nia povu atu haklaken. Bainhira autoridade sira obriga ema Kristaun atu muda husi rai ida ba rai seluk, ka husi pri-zaun ida ba prizaun seluk, loloos ne’e ajuda atu ema iha fatin foun ne’e rona kona-ba lia-loos. Porezemplu, durante Funu Mundiál Segundu, Testemuña ba Jeová fó sasin ho di-di’ak iha Nazi nia komarka sira. Ema Judeu ida ne’ebé hasoru Testemuña sira iha ne’ebá hatete: “Testemuña ba Jeová sira hatudu fiar ne’ebé metin, no ha’u haree katak sira-nia fiar ne’e bazeia ba Eskritura sira. Ikusmai, ha’u mós sai Testemuña ida.”

it-2-E p. 291

Bulak

Bulak hodi kontra Jeová. Profeta Balám ho hakarak ne’ebé beik atu fó sai profesia hasoru ema Izraél hodi bele simu osan husi Liurai Balak husi Moab, maibé Jeová kontra no hanetik nia atu labele halo ida-ne’e. Apóstolu Pedro hakerek kona-ba Balám katak “kuda-burru ne’ebé labele ko’alia, ko’alia fali hanesan ema hodi hanetik profeta ne’e atu nia la la’o tuir ninia dalan ne’ebé hanesan bulak”.—2Pe 2:15, 16; Núm 22:26-31.

Ke’e no hetan buat murak husi Bíblia

w04-E 8/1 p. 27 par. 2

Pontu importante husi livru Números

22:20-22—Tanbasá mak Jeová sai hirus tebes hasoru Balám? Jeová dehan ona ba

profeta Balám katak nia labele fó-malisan ba ema Izraél. (Núm 22:12) Maibé, Balám bá hamutuk ho Balak nia ema sira ho motivu atu fó-malisan ba ema Izraél. Balám hakarak halo kontente liurai husi Moab no simu kolen husi nia. (2Pe 2:15, 16; Jud 11) Maski tuir loloos Balám tenke fó bensaun duké malisan ba ema Izraél, maibé nia nafatin hakarak liu atu liurai husi Moab sente kontente ho nia, tan ne’e nia fó sujes-taun katak feto sira ne’ebé adora Baal bele bá intenta mane Izraél sira. (Núm 31:15, 16) Tan ne’e, Maromak hirus hasoru Balám tanba Balám nia hahalok kaan-teen ne’ebé boot.

26 ABRÍL–2 MAIU

RIKUSOIN HUSI BÍBLIA | NÚMEROS 25-26

“Ema ida nia hahalok bele ajuda ema seluk ka lae?”

lvs p. 118 par. 1-2

“Hasees an husi sala seksuál!”

BAIBAIN peskadór ida bá fatin ne’ebé nia bele kaer ikan ne’ebé nia hakarak. Nia hili iska atu tau iha kail no tuirmai soe kail ne’e ba bee laran. Nia hein ho pasiénsia, no bainhira ikan han iska ne’e, nia dada kail atu ka’it ikan nia ibun no dada sai ikan ne’e.

² Buat ne’ebé hanesan mós bele akontese ba ema. Porezemplu, bainhira ema Izraél besik ona atu tama ba rai ne’ebé Maromak promete, sira hela iha Rai-Tetuk Moab. Liurai Moab promete atu fó osan barak ba mane ida naran Balám se nia fó-malisan ba nasaun Izraél. Ikusmai, Balám hetan ideia atu halo ema Izraél lori malisan ba sira-nia an rasik. Nia hili didi’ak iska. Nia haruka feto joven husi Moab bá ema Izraél nia

hela-fatin atu tenta mane sira.—Núm 22:1-7; 31:15, 16; Apk 2:14.

Ivs p. 119 par. 4

“Hasees an husi sala seksuál!”

4 Tanbasá ema Izraél barak monu ba Balám nia lasu? Sira hanoin de'it sira-nia ksolok, no haluha buat hotu ne'ebé Jeová halo ona ba sira. Ema Izraél iha razaun barak atu laran-metin ba Maromak. Nia halo sira livre husi moris nu'udar atan iha rai-Ejitu, nia fó hahán ba sira iha rai-fuik, no lori sira ho seguru to'o besik rai ne'ebé nia promete ona. (Ebr 3:12) Maski nune'e, sira monu ba sala seksuál. Apóstolu Paulo hakerek: “Keta halo sala seksuál hanesan sira balu halo.” —1Ko 10:8.

Ke'e no hetan buat murak husi Bíblia

it-1-E p. 359 par. 1-2

Fronteira

Dalan oinsá atu fahe rai sira ba suku ida-idak mak liuhusi dada sorteiu, no mós depende ba suku ne'e mak boot ka ki'ik. Karik rezultadu husi dada sorteiu mak la'ós atu determina ho spesífiku kona-ba suku ida-idak sei hela iha ne'ebé, maibé atu determina área ida ne'ebé, porezemplu parte norte ka sül, leste ka oeste, iha rai tetuk, ka iha área foho nian. Rezultadu husi dada sorteiu ne'e sei decide husi Jeová atu nune'e la hamosu laran-moras ka istori malu entre suku sira. (Prv 16:33) Hodi halo nune'e, Maromak mós bele halo arranju atu suku ida-idak nia situa-saun iha futuro sei tuir profesia ne'ebé Jacob temi nanis antes nia mate, no ne'e hakerek iha Génesis 49:1-33.

Depois halo tiha dada sorteiu atu decide área ida ba suku ida, tuirmai sei decide kona-ba medida ba rai ne'e tuir boot ka ki'ik suku ne'e. “Imi tenke fahe rai ne'e hodi

dada sorteiu atu sai nu'udar liman-rohan ba imi-nia família sira. Ba grupu ne'ebé boot imi tenke aumenta ninia liman-rohan, no ba grupu ne'ebé ki'ik imi tenke hamenus ninia liman-rohan. Ema ida-idak sei simu liman-rohan hodi tuir rezultadu husi dada sorteiu. Imi sei simu imi-nia rai nu'udar liman-rohan tuir imi-nia aman nia uma-kain.” (Núm 33:54) Área ne'ebé decide ona liuhusi dada sorteiu sei vale nafatin, maibé bele iha mudansa kona-ba ninia fronteira. Tan ne'e, kuandu rai ne'ebé suku Judá hetan mak boot liu, ninia rai balu hamenus tiha no fó fali ba suku Simeão.—Jos 19:9.

TREINU KONA-BA HAKLAKEN

w04-E 4/1 p. 29

Pergunta husi lee-na'in

Tanbasá mak 1 Korinto 10:8 dehan ema Izraél na'in-23.000 mate iha loron ida de'it tanba halo sala seksuál, maibé Números 25:9 dehan ema na'in-24.000 mak mate?

Iha possibilidade barak atu esplika tanbasá númeru la hanesan iha eskritura rua ne'e. Razaun ne'ebé simples mak karik ema ne'ebé mate mak entre 23.000 no 24.000, tan ne'e simples liu atu hatete de'it númeru ne'ebé kompletu.

Hanoin to'ok razaun ida tan. Apóstolu Paulo ko'alia kona-ba ema Izraél iha Sitim nu'udar avizu ba ema Kristaun sira iha sida-de Korinto, cidade ne'ebé ema barak moris la tuir morál. Nia hakerek: “Keta halo sala seksuál hanesan sira balu halo, no iha loron ida de'it ema na'in-23.000 mate.” Iha ne'e, Paulo ko'alia kona-ba sira ne'ebé Jeová oho tanba halo sala seksuál, no númeru ne'ebé Paulo temi mak 23.000.—1Ko 10:8.

Maibé iha Números capítulo 25, hatete kaktak “ema Izraél hola parte hodi adora Baal

husi Peor, no Jeová sai hirus tebes ba ema Izraél.” Depois, Jeová haruka Moisés atu fó kastigu-mate ba “povu sira-nia ulun-na’in hotu”. Moisés haruka juís sira atu halo tuir Jeová nia mandamentu ne’e. Ikusmai, bainhira Fineias lalais atu oho mane Izraél ne’ebé lori tama feto Midian ba povu sira-nia hela-fatin, “moras-pestes para no la kona tan ema Izraél.” Istória ne’e remata ho liafuan: “Ema ne’ebé mate tanba moras-pestes ne’e hamutuk na’in-24.000.”—Núm 25:1-9.

Ema na’in-24.000 ne’ebé temi iha Números inklui mós “povu sira-nia ulun-na’in hotu” ne’ebé juís sira no Jeová rasik mak oho. Karik iha duni ulun-na’in to’o rihun ida ne’ebé juís sira oho, tan ne’e, númeru totál mak 24.000. Se ulun-na’in sira-ne’e mós halo sala seksuál ka tuir festa sira, ka fó lisensa ba ema Izraél seluk atu tuir, sira sala duni tanba “hola parte ona hodi adora Baal husi Peor.”

Kona-ba liafuan ne’ebé tradús nu’udar “hola parte”, matenek-na’in ida kona-ba Bíblia dehan katak ida-ne’e bele iha signifikadu “atu kesi metin ba ema ida.” Ema Izraél mak povu ne’ebé dedika an ona ba Jeová maibé bainhira sira “hola parte hodi adora Baal husi Peor”, sira hakotu sira-nia relasaun ho Jeová. Maizumenus tinan 700 liutiha ne’e, Jeová ko’alia kona-ba ema Izraél liuhusi profeta Oseias: “Sira la’o ba Baal husi Peor. Sira dedika an ba buat ne’ebé halo moe de’it, no sira sai fo’er tebes hanesan buat ne’ebé sira hadomi.” (Os 9:10) Sira hotu ne’ebé halo hahalok aat ne’e merese hetan kastigu. Tan ne’e, Moisés fóhano in ba ema Izraél: “Imi rasik haree ona buat ne’ebé Jeová halo tanba Baal husi Peor; Jeová, imi-nia Maromak, halakon tiha sira hotu husi imi-nia leet tanba sira la’o tuir Baal husi Peor.”—Deu 4:3.

